

0.0.1 janavasabhasuttaṃ (excerpt)

1. evaṃ me suttaṃ: ekaṃ samayaṃ bhagavā nātike¹ viharati giñjakāvasatthe. tena kho pana samayena bhagavā parito parito janapadesu paricārake abbhatīte kālakate upapattīsu byākaroti, kāsikosalesu vajjimallesu cetivaṃsesu² kurupañcālesu macchasūrasenesu asu amutra upapanno asu amutra upapanno ti. paropaññāsaṃ nātikiyā paricārakā abbhatītā kālakatā pañcannaṃ orambhāgiyānaṃ saññojanānaṃ parikkhayā opapātikā tattha parinibbāyino anāvattidhammā tasmā lokā. sādhikā navuti nātikiyā paricārakā abbhatītā kālakatā tiṇṇaṃ saññojanānaṃ parikkhayā rāgadosamohānaṃ tanuttā sakadāgāmino sakideva³ imaṃ lokaṃ āgantvā dukkhassantaṃ karissanti. sātirekāni pañcasatāni nātikiyā paricārakā abbhatītā kālakatā, tiṇṇaṃ saññojanānaṃ parikkhayā sotāpannā avinipāta-dhammā niyatā sambodhiparāyaṇā ti.

2. assosum kho nātikiyā paricārakā: bhagavā kira parito parito janapadesu paricārake abbhatīte kālakate upapattīsu byākaroti kāsikosalesu vajjimallesu cetivaṃsesu kurupañcālesu macchasūrasenesu asu amutra upapanno asu amutra upapanno'ti. paropaññāsaṃ nātikiyā paricārakā abbhatītā kālakatā pañcannaṃ orambhāgiyānaṃ saññojanānaṃ parikkhayā opapātikā tattha parinibbāyino anāvattidhammā tasmā lokā. sādhikā navuti nātikiyā paricārakā abbhatītā kālakatā tiṇṇaṃ saññojanānaṃ parikkhayā rāgadosamohānaṃ tanuttā sakadāgāmino sakideva imaṃ lokaṃ āgantvā dukkhassantaṃ karissanti. sātirekāni pañcasatāni nā-

tikiyā paricārakā abbhatītā kālakatā tiṇṇaṃ saññojanānaṃ parikkhayā sotāpannā avinipātadhammā niyatā sambodhiparāyaṇā”ti. tena ca nātikiyā paricārakā attamanā ahesuṃ pamuditā pītisomanassajātā bhagavato pañhaveyyākaraṇaṃ⁴ sutvā.

3. assosi kho āyasmā ānando: bhagavā kira parito parito janapadesu paricārake abbhatīte kālakate upapattisu byākaroti. kāsikosalesu vajjimallesu cetivaṃsesu kurupañcālesu macchasūrasenesu asu amutra upapanno asu amutra upapanno ti. paropaññāsanātikiyā paricārakā abbhatītā kālakatā pañcannaṃ orambhāgiyānaṃ saññojanānaṃ parikkhayā opapātikā tattha parinibbāyino anāvattidhammā tasmā lokā. sādhikā navuti nātikiyā paricārakā abbhatītā kālakatā tiṇṇaṃ saññojanānaṃ parikkhayā rāgadosamohānaṃ tanuttā sakadāgāmino sakideva imaṃ lokaṃ āgantvā dukkhasantaṃ karissanti, sātirekāni pañcasatāni nātikiyā paricārakā abbhatītā kālakatā tiṇṇaṃ saññojanānaṃ parikkhayā sotāpannā avinipātadhammā niyatā sambodhiparāyaṇā ti. tena ca nātikiyā paricārakā attamanā ahesuṃ pamuditā pītisomanassajātā bhagavato pañhaveyyākaraṇaṃ sutvā”ti.

4. atha kho āyasmato ānandassa etadahosi: ime kho panāpi¹ ahesuṃ māgadhakā paricārakā bahū ceva ratāññū ca abbhatītā kālakatā. suññā maññe aṅgamagadhā aṅgamāgadha²kehi paricāra³kehi abbhatītehi kālakatehi. te kho panāpi ahesuṃ buddhe pasannā dhamme pasannā saṅghe pasannā sīlesu paripūrakārino te ab-

bhatītā kālakatā bhagavatā abyākatā. tesampassa³ sādhu veyyākaraṇaṃ. bahujaṇo paṣīdeyya tato gaccheyya sugatiṃ.

5. ayaṃ kho paṇāpi ahosi rājā māgadho seniyo bimbisāro dhammiko dhammarājā hito brāhmaṇagahapatikānaṃ negamānañceva jānapadānañca. apissudaṃ manussā kittayamānarūpā viharanti 'evaṃ no so dhammiko dhammarājā sukhāpetvā kālakato, evaṃ mayaṃ tassa dhammikassa dhammarañño vijite phāsu⁴ viharimhā'ti. so kho paṇāpi ahosi buddhe pasanno dhamme pasanno saṅghe pasanno sīlesu paripūrakārī. apissudaṃ manussā evamāhaṃsu 'yāva maraṇakālāpi rājā māgadho seniyo bimbisāro bhagavantam kittayamānarūpo kālakato'ti. so abbhatīto kālakato bhagavatā abyākato. tassa passa sādhu veyyākaraṇaṃ. bahujaṇo paṣīdeyya, tato gaccheyya sugatiṃ. bhagavato kho pana sambodhi magadhesu. yattha kho bhagavato sambodhi magadhesu, kathaṃ tattha bhagavā māgadhake paricārake abbhatīte kālakate upapattīsu na byākareyya? bhagavā ceva kho pana māgadhake paricārake abbhatīte kālakate upapattīsu na byākareyya dīnamanā tenassu māgadhakā paricārakā. yena kho paṇassu dīnamanā māgadhakā paricārakā kathaṃ te bhagavā na byākareyyāti.